


ՈՂՈՐՄՈՒԹԵԱՆ ԲԱՐԻՔՆԵՐԸ

Չկարծես, թե արքայութիւնը դրամով կը գնուի: Ո՛չ, այլ՝ յօժարութեամբ, որ դրամի միջոցաւ կը յայտնուի: Ոմանք կ'ըսեն. «Եթէ այդպէս է, ուրեմն դրամով կ'ըլլայ»: Գրամով չ'ըլլար, այլ կամքով, որովհետեւ այրի կնոջ նման դուն եւս կրնաս երկու դահեկանով երկինքը գնել, եթէ բարի կամեցողութիւն ցոյց տաս, առանց որուն նոյնիսկ սահագին արծաթով չես կրնար:

Աստուած արքայութիւնը խոստացաւ ո՛չ թէ գաւաթ մը պաղ ջուրի փոխարէն, այլ՝ սրտի յօժարութեան, նաեւ ո՛չ ալ մահուան փոխարէն, որ ինքնին մեծ բան մը չէ: Ի՞նչ կ'արժէ հոգի մը տալը, երբ մարդը ինքնին ոչի՛նչ կ'արժէ: Մեր հոգին գին չունի առանց Քրիստոսի արեան, որուն համար սատանան կը նախանձի: Հետեւաբար, երկնից արքայութիւնը ո՛չ թէ դրամով կը գնուի, այլ՝ կամքովը անոնց, որոնք դրամ կուտան:

Ձեռքին տուածը ի՛նչ ալ ըլլայ, սրտի սէրը կը յայտնէ, որովհետեւ հոգիի ձեռքերը տեսական եւ գործնական առաքիւնութիւններն են: Եւ որովհետեւ կամքը եւ կարեկցութիւնը մարմնաւոր բաներէ վեր են, եւ յաղթանակը ո՛չ թէ արծաթն է, այլ՝ բարի կամեցողութիւնը, ի՛նչ որ յայտնի է այրիին օրինակէն, ուստի սրտի յօժարութիւն ցոյց տանք, որպէսզի ոչ միայն արքայութիւնը ստանանք, այլեւ սուրբերու փառքին հաղորդակից դառնանք:

Մաշկետրցի Հայրապետ



ԽՈՐՀՐԴԱՏԵՏՐ ԿԱՄ ՊԱՏԱՐԱԳԱՄԱՏՈՅԸ

Ս. Պատարագի խորհուրդը բովանդակող գիրքն է: Հին հեղինակներու գրութեանց մէջ Առաքեալներու վերագրուած Պատարագամատոյցներ կան, ինչպէս՝ Ս. Անդրէաս, Ս. Յակոբոս Զերեզեան եւ Ս. Յակոբոս Տեառնեղբայր: Հնագոյն Պատարագամատոյցները ժամանակի ընթացքին հայերէնի թարգմանուած են: 1.- ԲԱՐՍԵՂԵԱՆ ՊԱՏԱՐԱԳ - Այս պատարագը ոմանք վերագրած են Ս. Գրիգոր Լուսաւորիչին, որ Կեսարիայէն իրեն հետ բերած է Հայաստան, բայց ճշգրտած չէ: 2.- ԳՐԻԳՈՐ ՆԱԶԻԱՆԶԱՅԻ - Այս պատարագամատոյցը դասաւորած է Յովհան Մանդակունի եւ կիրարկած է Հայոց մէջ: 3.- ՅՈՎՀԱՆ ՈՍԿԵՐԵՐԱՆ - Նմանութիւն ունի Բարսեղի պատարագին եւ գործածական է Յունաց եկեղեցւոյ մէջ: 4.- ՀՌՈՎՄԱՅԵՑԻՆԵՐՈՒ ՊԱՏԱՐԱԳԱՄԱՏՈՅԸ - Որ կը կարծուի, թէ թարգմանած է Ս. Ներսէս Լամբրոնացի եւ կարգ մը մասեր ներմուծած է մեր Պատարագամատոյցին մէջ:

ՀԱՍՅԷ.

ՃՐԱԳ ՇԱԲԱԹԱԹԵՐԹ - ԱԶԳԱՅԻՆ ԱՌԱՋՆՈՐԴԱՐԱՆ ԼԻԲԱՆԱՆԻ - Bourj-Hammoud, P.O.Box 80810 -Tel/Fax:01-258300- facebook-ի էջ jcrak ճրագ թերթ



ԸՈՒ ԽՕՍԵՂ ԽՄ ՂՅԵՐՈՒՄ ԵՐԱԳ Է ՈՒ ԽՄ ՇԱԽՂՆԵՐՈՒՄ ԼՂՅՍ (Ս, 119-105)

ԺԴ. ՏԱՐԻ

ԿԻՐԱԿԻ, 4 ԱՊՐԷԼ 2021

ԹԻԻ 14

ԿԻՐԱԿԻ ՕՐԵՐՈՒ ԱՍՏՈՒԾԱՇՆՉԱԿԱՆ ԸՆԹԵՐՑՈՒՄՆԵՐ

Գրծ. 1.15-26

ՅԻՍՈՒՄ ԹՐԻՍՏՈՍԻ ԱԻԵՏԱՐԱՆԸ ԸՍՏ ՄԱՏԹԷՈՍԻ 16.1-8

ԹՐԻՍՏՈՍ ՅԱՐԵԱԻ Ի ՄԵՌԵԼՈՅ, ՕՐՀՆԵԱԼ Է ՅԱՐՈՒԹԻԻՆԸ ԹՐԻՍՏՈՍԻ

Շարք օրը երբ անցաւ, Մարիամ Մագդաղենացին, Մարիամ՝ Յակոբի մայրը եւ Սողոմէն զացին խունկեր գնեցին եւ պատրաստեցին, որպէսզի երթան եւ օժեն Յիսուսի մարմինը: Կիրակի առաւօտ կանուխ, արեւածագին, գերեզման եկան: «Ո՞վ պիտի գլորէ գերեզմանի մուտքին դրած քարը», կը հարցնէին իրարու, որովհետեւ քարը շատ մեծ էր: Մակայն երբ նայեցան, տեսան, որ քարը արդէն իսկ գլորուած էր: Գերեզմանէն ներս մտան եւ ճերմակ զգեստ հագած երիտասարդ մը տեսան, որ աջ կողմը նստած էր: Մարսափեցան: Երիտասարդը ըսաւ անոնց. «Մի՛ վախճաք: Գիտեմ, որ խաչուած Նազովրեցի Յիսուսը կը փնտռէք, բայց հոս չէ, յարութիւն առաւ: Տեսէ՞ք զինք հոս դրած էին: Այժմ գացէ՛ք, ըսէ՛ք իր աշակերտներուն եւ Պետրոսի, որ ահա Յիսուս ձեզմէ առաջ կ'երթայ Գալիլիա: Հոն պիտի տեսնէք զինք, ինչպէս որ ըսած էր ձեզի»:

Երբ ասիկա լսեցին, դուրս փախան գերեզմանէն, զարիւրած եւ ապշահար, ու ոչ մէկուն բան մը ըսին՝ որովհետեւ կը վախնային:

ՅԱՐՈՒԹԵԱՆ ՄԱՍԻՆ

Եթէ արմատէն կտրուած ծառը կրնայ վերստին աճիլ եւ ծաղկիլ, արդեօք մարդը վերստին պիտի չծաղկի: Եթէ սերմանուած սերմերը վերստին աճելով եւ հնձուելով կը պատրաստուին կալի, մարդ արարածը ինքն ալ վերստին կալի չի՞ պատրաստուիր: Եթէ այգիներէն կամ խառերէն քաղուած կամ կտրուած ճիւղերը ուրիշ տեղ տնկուած ըլլալով վերստին կ'աճին, մարդն ալ այս բոլորով հանդերձ, եթէ հող դրուի, միթէ վերստին պիտի չկենդանանա՞յ: Դուն ի՛նքզ դատէ եւ տես, թէ ո՞ր մէկը աւելի դիւրին ու մեծ բան է. նոր ստեղծել ամենեւին չստեղծուածը, թէ՛ ինկածը եւ կործանուածը վերստին ձուլել՝ ստեղծելով անկէ նոր պատկեր:

(Կիւրեղ Երուսաղէմացի)

ՍՈՒՐԲ ԶԱՏԻԿ



1.- Ի՞նչ է Զատիկի բառին իմաստը:

Զատիկ բառը ունի բազմաթիւ բացատրութիւններ: Ոմանք նմանութիւն կը գտնեն Եբրայեցիներու Պասեփին (Passover) հետ: Պասեփ կը նշանակէ ելք: Հրեաներու ամենամեծ ու յարգուած տօներէն մէկն է Պասեփը: Անոնք կը յիշատակեն Եգիպտոսի ծանր լուծէն իրենց ազատիլն ու ելքը: Իսկ մենք՝ Քրիստոնեաներս, Յիսուսի չարչարանքի արդիւնքով հրաշափառ Յարութեամբ կը յիշատակենք մարդկութեան մահուան իշխանութենէն ու սատանայի ծառայութենէն դուրս գալը եւ երկինքի արքայութեան արժանի դառնալը: Յիսուսի կեանքին վերջին դրուագները տեղի ունեցան հրեաներու Պասեփի տօնին:

2.- Զատկուան ժողովրդական սովորութիւններ:

Զատկուան ժողովրդական սովորութիւններէն կարելի է յիշատակել հաւկիթը կարմիր ներկելը եւ հաւկիթախաղը: Հիները հաւկիթը կ'ընդունէին իբրեւ տիեզերքի խորհրդանշան եւ կը հաստատէին, թէ հաւկիթին կեղեւը կը նշանակէ ցամաք, սպիտակը՝ ջուր, դեղնուցը՝ կրակ:

Սովորութիւն էր գարնանամուտի օրը, իբրեւ ընծայ իրարու հաւկիթ տանիլ, մանաւանդ՝ կարմիր: Նաեւ ոսկիէ կամ արծաթէ շինուած կարմիր հաւկիթներ կը տարուէին իշխաններուն, իբրեւ հպատակութեան նշան: Ասիկա կ'ըլլար արեւելքի մէջ, մանաւանդ հայերուն եւ պարսիկներուն մօտ:

րուն մօտ:

Բոլոր կրօններուն մէջ ալ հաւկիթը իր կարեւոր տեղը ունէր, մինչեւ իսկ Հռոմէացիները եւ յոյները հաւկիթ կը նուիրէին իրենց աստուածներուն՝ սրբուելու եւ մաքրուելու համար:

Հրեաները Պասեփի տօնին կը պատրաստէին բաղարջ հաց (առանց թթիւմորի հաց): Պասեփի սեղանին վրայ անպայման պէտք էր ըլլար նաեւ զատկական գառնուկը եւ պինդ խաշուած հաւկիթը:

Հաւանաբար Պասեփի այս սովորութիւնը փոխանցուեցաւ քրիստոնեաներուն: Զատկական հաւկիթը Քրիստոնեային համար խորհրդանշան է այն ժայռէ գերեզմանին, ուրկէ Քրիստոս Յարութիւն առաւ:

3.- Ի՞նչու հաւկիթը կարմիր կը ներկեն:

Կարմիր ներկը անցեալին ամէն տեղ չէր գտնուիր: Յայտնի է, թէ կարմիր ներկին հայրենիքը Արեւելքն է, ուր կը գտնուի որդան կարմիրը, որմէ կ'արտադրուէր կարմիր ներկը եւ կը տարածուէր ամբողջ աշխարհին մէջ:

Հաւկիթը կարմիր ներկելու աւանդութիւնը կը բացատրուի հետեւեալ ձեւով: **Նախ**՝ կարմիրը սիրոյ գոյնն է: **Նրկորոյ**՝ հայերը բնապաշտ ժողովուրդ եղած են եւ բնութեան մէջ գերընտիր բերքն է որդան կարմիրը, ինչպէս որ բնութեան ծննդաբերութիւններուն մէջ հրաշալի է հաւկիթը, ուստի հաւկիթը կարմիր ներկելով նուիրագործած են զայն: **Նրբորոյ**՝ հաւկիթը կարմիր կը ներկուի որպէս ուրախութեան նշան: **Չորբորոյ**՝ Կարմիրը կը խորհրդանշէ նաեւ, որպէս գոհի արիւնը, որ կը բացատրուի իբրեւ Քրիստոսի թափած արիւնը աշխարհի փրկութեան համար:

Հաւկիթը կը ներկեն Զատկուան նախորդող օրը՝ Շաբաթ օր:

ՀՈԳԵՒՈՐ ՊԱՏԳԱՍ

ՄԵՐ ԱՊՕԹՔՆԵՐԸ ԱՄՐՏԵՆԵՔ ԸՍԵՆՈՎ՝ «ՈՅ ԹԵ ԻՄ ԿԱՄՔԱ, ԱՅՆ՝ ՔՈՒ ԿԱՄՔՂ ԹՈՂ ԸԼԼԱՅ»

Մեր աղօթքները աւարտենք ըսելով. «Ոչ թէ իմ կամքս, այլ քու կամքդ թող ըլլայ»: «Հայր, եթէ ուզես՝ այս բաժակը հեռացուր ինձմէ. բայց ոչ թէ իմ կամքս, այլ քու կամքդ թող ըլլայ»: Յիսուս ինքզինք ծանր փորձութեան մը դէմ յանդիման գտաւ, եւ թէւ խնդրեց փորձութեան այդ բաժակին հեռացումը իրմէ, սակայն, իր աղօթքը աւարտեց ըսելով. «Քու կամքդ թող ըլլայ»:

ՄԵՐ ՍՈՐՎԵԼԻՔ ՀՈԳԵՒՈՐ ԴԱՍԸ

Յիսուս իր վերաբերմունքով սորվեցուց մեզի. առաջին՝ աղօթել, երբ փորձութեան առջեւ կանգնած ենք, եւ երկրորդ՝ աղօթել եւ խնդրել Աստուծոյ կամքին կատարումը: Ամէն քրիստոնեայ իր աղօթքը պէտք է աւարտէ ինչպէս Քրիստոս աւարտեց. «Ոչ թէ իմ կամքս, այլ՝ քու կամքդ թող ըլլայ»: Մեր աղօթքները այսպէս աւարտելը կարեւոր է, որովհետեւ կրնանք աղօթել եւ խնդրել բան մը, որ Աստուծոյ կամքին հակառակ է: Եւ չմոռնանք, որ երբ աղօթքի ընթացքին Աստուծոյ կամքին կատարումը կը խնդրենք, Աստուծոյ կամքը մեր կամքէն վեր դասած կ'ըլլանք եւ մեր կամքը Աստուծոյ կամքին ենթարկած կ'ըլլանք եւ ճիշդ այդ է ընդունելի աղօթքը:

ԵԹԷ Կ՛ՈՒՉԵՍ ՎԻՏԱԿ ՏԻՐՈՋ ԽՕՍՔԻՆ ԿԱՏԱՐԵԼՈՒԹԻՒՆԸ, ՍՐԲՈՒԹԻՒՆԸ ԵՒ ՎԱՏԱԿՈՒԹԻՒՆԸ, Կարդա՛ր՝ ԱՎՂԱՄՈՍ 12

ՏԵ՛Ր, մինչեւ ե՞րբ զիս պիտի անտեսես, մինչեւ ե՞րբ երես պիտի դարձնես ինձմէ:

Մինչեւ ե՞րբ պիտի տագնապիմ, եւ ամէն օր տրտմութեամբ մաշիմ: Մինչեւ ե՞րբ թշնամիս յաղթանակ պիտի տանի իմ վրաս: Տե՛ս եւ պատասխան տուր, իմ Աստուա՛ծ, լուսաւորէ աչքերս, մահուան քունով չընանամ: Չըլլայ, որ թշնամիս ըսէ. «Յաղթեցի իրեն», կամ նեղիչներս ուրախանան անկումովս: Ես քու ողորմութեանդ վստահեցայ. սիրտս քու փրկութեամբդ պիտի ցնծայ: Քե՛զ պիտի երգես, ո՛վ ՏԵ՛Ր, դուն՝ որ ինձի բարիք ըրիր:

ՄԻԱՍՆԱԲԱՐ ԱՊՕԹԵՆՔ

Ողորմէ՛, Տէ՛ր, մեր եղբայրներուն, ծնողներուն ու իմ արիւնակից մերձաւորներուն, կրօնաւորներուն ու միանձն ճգնաւորներուն, անոնց՝ որոնք մեզի ողորմութիւն պարգեւեցին եւ անոնք, որ յանձնարարեցին զիրենք յիշել մեր աղօթքներուն մէջ: Ողորմէ՛, Բարեբա՛ր, եւ տո՛ւր իւրաքանչիւրին կարիքին համաձայն: Առատապէս բաշխէ՛ Սուրբ Հոգիիդ շնորհները բոլոր անոնց եւ զարդարէ՛ ու միացո՛ւր Քու Աստուածութեանդ սիրոյն մէջ: Ս. Եփրեմ Ասորի